

الفصل الأول

الناس الخلابة

obeikandi.com

• المواطن المصرى •

بعد الدعم النقدى



قبل الدعم النقدى



اخذنا العلاوة من هنا .. الاسعار ولعت على طول
 ممكن نرجع العلاوة .. ومش عايزين حاجة من وشكم



الواحد لو قدر يستغنى عن وجبة العشا
ح يعرف يعيش كويس...

هو فى وجبة اسمها العشا..!



كنت سهران فين لوش الفجر ياراجل يا فلاتي ..؟

في طابور العيش ...!!



المشكلة .. لو شالو الدعم .. ح ناكل ايه ..؟؟

ح ناكل بعض ..!!



الناس بتتكلم على الدعم كتير ليه ...؟؟

علشان مش لاقينه ...!!!



لأ مفيش .. كنت بتناقش مع مسئول
عن الدعم !!!!!!!!!!!!!



وحياتك ده خروف كامل
بس شايلين منه الدعم



ياأبني احنا على ايامنا كان العشرين بيضه بمليم
واللحمه بسحتوت .. والدعم بيوصل لمستحقيه



بطلوا استغلال بقى .. اللى زيك
عايز الدعم ليه ..!!!!



شممنى اللحمه يامعلم شمم.. بكره ناخذ
الدعم النقدى ومش ح نعشم حتى ريحتها





طول عمرى ماشى على رجلى ومش عارف أعيش
قولت امشى على ايدى يمكن تتعدل !!!



يااااه .. أنا كده بقيت تحت خط الفقر وأنت ...؟

لأ .. أنا لسه بدور على الخط ..!



يا باشا اسرق منه ايه .. ده محدود الدخل
يعنى ما عندوش غير الهم والغم والنكد



مش لازم يا أولاد ناكل ونشبع .. قولوا ورايا
احنا شعبنا .. احنا شعبنا!!!!



ما تلعبش مع العيال الوحشين
اللى كل يوم بياخدوا مصروف



أنا معجب قوى بتاريخك يامعلم .. ممكن
تمضيلى على الرغيف ده بحتة لحمه



ما تفرقش كثير .. وانت عاطل مش ح تلاقي تآكل
وبرضه لو اشتغلت مش ح تلاقي تآكل



افهم بقى .. نسه ما جاش دورك فى التعيين
احنا بنعين دلوقت دفعة الحملة الفرنسيه



لا مؤاخذه ياعمى .. لوانا عاطل دلوقتى بكره ح لاقى شغل
الدور والباقي عليك انت معاش مبكر يعنى لا شغله ولا مشغله



لأ .. لأ.. في تطور في الاداء الحكومى
زمان كنت محدود الدخل دلوقت مش لاقى آكل





يا أخي حس على دمك ... شلن وعايزني ادعيلك
 وادعى لاهلك.. انت مش شايف الغلا اللي احنا فيه



انزل فين يا بابا في الغلابة ده .. كفايه
عليك اللي انت فيه !!!





والآن فاصل كوميدى .. مع تصريحات المسئولين
حول الغلاء والاسعار ورفاهية المواطن المصرى



كل السلع غليت .. بس الحمد لله
الفرجه عليها ببلاش ..!!!!



• دراسة : نصف المصريين معدوموا الدخل •

ياراجل دخل ايه ... وفلوس ايه
ربنا يخلى لنا الستر



• دراسة : نصف المصريين معدوموا الدخل •

نحمد ربنا .. أحنا محدودين الدخل
كده نبقى مريشين ع الآخر ... !!!



• دراسة : نصف المصريين معدوموا الدخل •

تفتكر يا حامد بيه .. ممكن اوصل لمستواك المادى
وابقى محدود الدخل !!!!!



• ارتفاع اسعار الفول المدمس •

حرام عليكم .. طب نا كل أيه ...!!



• ارتفاع اسعار الفول المدمس •

افرحوا يا اولاد .. الغدا النهارده عيش حاف
والحلو ايبيببييه ... الحلو فووول



الواحد زهق من الفرجه ع اللحمه
قولت اعمل زى الغلابه واتفرج ع الفول



• ارتفاع اسعار الفول المدمس •

ح تزودوا اسعار الفول دلوقتي .. انا الاولاد
عندى اقربوا ينهقوا!!!!!!



طلبك مش ناقص حاجه خالص غير توقيعى
وأنا النهارده اجازته !!!



ح تستعبط وح تعمل فيها كتكوت

صو صو صو
صو صو صو



يا حبيبي .. اللحمه والفاكهه .. ح تاكلهم فى الجنه



لسه فاضل خمسه جنيه
علشان تتفرج على اللحمه



• اسعار اللحمه نار نار •



• مشكلة مياه الشرب •

ما تصعبش الموضوع عليا .. اطلب اى حاجه
بلاش جيركن الميه!!!



• مشكلة مياه الشرب •

اتجوزك ازاي .. أنا فين وأنتي فين .. انتي بتشربي
ميه من الحنفية .. وأنا لسه بملا بالچرکن ...!!!



• دعم الرغيف بالحديد •

امبارح كلت رغيف عيش
سيخ حديد وقف فى زورى



ياترى مين من بعدك ح يوقف فى
طابور العيش .. ياسبعى ...!!!





يا أبنى الدنيا دى زى طابور العيش .. توقف
على قد ما توقف مش ح تاخذ حاجه ...!!!



كويس قوى ان احنا لاقين العيش الحاف
ام العيش الفينو تبقى رفاهيه فارغه...!!



زمان كنا عايشين على العيش والملح
طب دلوقت .. العيش بالطواير والملح مغشوش ..؟؟





• اللبن الملوث •

تمام يا فندم .. احنا مراقبين
شحنة اللبن الملوث



• اللبن الملوث •

بعد ما حطوا بودرة (السيراميك) على اللبن
كده الفساد بقى ع (بلاطه)



الشغل اليوميين دول على ودنه .. اللي يفلت
من الدم الملوث ح يلاقى اللبن الملوث قدامه





انت عارف بيشر بوا ولادنا لبن ملوث ليه .. علشان لما يكبروا
يتعودوا على الميه الملوته والدم الملوث والخضار المسرطن ...



عريس لقطه .. فاسد من يومه .. يخرج من
قضية رشوه .. يدخل في قضية استغلال نفوذ



• في كارثة الدم الملوث •

ده طلع كمان ما عندوش دم.....



• اقتراح : وزارة للفساد •





لأ .. لأ .. احنا عاملنا اللي علينا لحل مشكلة البطالة
اصدرنا مليون تصريح ووفرنا خمسين ألف وعد بالحل



اتعلموا النظام بقى ... الرشوه
المكتب اللي جانبى....



اتفضل يا حضرة .. طلبك ناقص
مش محدد فيه قيمة الرشوه



يا فندم انا عايز اتنقل .. زميلي كلهم بيسرقوا
انا الوحيد اللي باخد رشوه



قطع لسان اللى يقول عليا فاسد او مرتشى
انا طول عمري زمتي واسعه





شهادات ايه ... احنا ح نلاقى احسن
منك لتعينه



ياراجل اسعار ايه .. وغلا ايه .. هما يرفعوا
الاسعار من هنا .. نزود احنا قيمة الرشوة من هنا



يارب .. يارب انجح بتفوق وأدخل كلية
كويسة .. علشان اتجوز عرفى



● العنف في المدارس ●



ماتفهمنيش غلط يا بابا ... انا مش عايز اتفوق
علشان قلبك ضعيف مش ح يستحمل الفرحه الشديده



• بدأ العام الدراسي •

.... اشد حيلي في الدراسة علشان ايه
ما حضرتك معاش مبكر واخويا عاطل



• مصاريف المدارس الخاصة •

حاول تبيع حاجة تانية .. وادفع القسط الأخير



• بدأ العام الدراسي •

كل سنة وانت طيب موسم
الهبر بدأ.....



رُبعميت جنيه كشف .. وألف جنيه دوا
طب ما اموت ارخص



مبروك استأصلنا معدتك .. بعد كده
مش ح يهملك الجوع تانى ... !!!



معاك فلوس تشتري الدواء .. ولا اكتبلك
انك سليم وصحتك زي الفل!!!



المغص اللي عندك وراثي .. حد في عيلتك
مات من الجوع ؟؟؟؟؟



خلاص يا عم لاسعار ولا عيشة صعبة .. ابسط
التحليل اثبت ان حالتك ميئوس منها وح تموت



• اسعار الدواء نار •

والله ما أعز عليك حاجه ابدا .. القرشين اللي
كنت شايلهم لجهاز البننت .. اشتريت بيهم دوا



• اسعار الدواء نار •

...لاقيت الدوا غالى قوى .. ممكن تشوفلى
مرض تانى يكون الدوا بتاعه رخيص شوية



• اسعار الدواء نار •

غسيل الكلى غالى عليك .. ولا يهملك فى
البديل .. ام طأ طأ الغساله !



• فوضى العلاج بالاعشاب •

القياجرا دى موضه قديمه .. انا عندى
هنا قسم خاص للعلاج بالجرجير...




• فوضى العلاج بالاعشاب •

الحمد لله .. العلاج بالبرسيم قضي على الشخير
بس يا دكتور بقيت اقوم من النوم أنهق ...



لسه مافيش علاج بالاعشاب لفرد الوش
بصراحه انت عايزه مكوجى رجل ...

عيادة
التجميل



الروشته تصرفها من عند توحه بتاعة الخضار
وبقية العلاج من عند حمامه العطار



• بعد شم النفسيم •

معانا الدكتور حامد .. اخصائى غسيل معدة



• الحصبة الألمانية •

لأ .. ما اقدرش اعالج الحصبة الألمانية
انا دراستي كلها كانت باللغة الانجليزية



• الحصبة الألمانية •

الواد مش ح يقدر يروح المدرسة اليومين دول
انا جايب امه تاخد الحصبة بداله



مش فاكرنى أنا السنه اللي فاتت كان معايا عيش وعايز
هديه حته لحمه .. السنادى مش لاقى العيش ولا فاكرا اللحمه



.. ما حدش عايز ياخذ منى هدية
الناس نفسها مسدوده!!!



● شراء الاعيين ●

اسبوع الفضل والبواقى



● العلاوة الجديده ●



• عام سعيد •

سنه حلوه عليك ياسبعي ... تعيش وتجوعننا ... !!



ماتفهميش غلط .. أنا جايب دبدوب
بمناسبة عيد الحب





سيب مصروف البيت ... ما حدش ضامن عمره
لأحسن الديناصور ياكلك





يا نهار اسود .. هو انا لسه
ح استنى لما يكتشفوا القياجرا













يعنى انت شايفه الشباب عارف يتجوز قوى
لما عايزانى اطلب ايدك !!!



آلو .. معايا طباخ مائدة الرحمن بتاعة المهندسين
بلاش سكريات كتير فى الأكل ... أنا عامل دايت



.... اتكلمى على قدك يا حبيبتى .. احنا بنفطر على موائد الرحمن فى
 الدقى والمهندسين .. مش انتوا يابتوع موائد الرحمن اللي فى العشوائيات



آلو .. أم العيال .. ما تعمليش حسابى ع الفطار
ح افطر فى المكتب .. عندى جوز ولوز وقمر الدين



الحقيني يأم اشرف .. مش قادر اقوم
المسلسلات كَبست على نفسي...!!!



آلو .. وسائل الاعلام المختلفة .. تعالوا خدوا منى شوية
تصريحات لأحسن مش ح اقدر اصرح فى رمضان لأفطر ..

مسئول



• دعم الرغيف بالحديد •

لا مش خناقة .. ده رغيف عيش
وقع على دماغى





رئيس الحى بتاعنا نزيه جدا .. ما يقبلش
رشوة ابدا .. بيختلس بس.....



• إضراب العمال •

ما عنديش حوافز ولا ارباح .. روح اعمل
اضراب الاول .. وبعدين تأخذ حقتك ...



سيبك من قصة الزناتي خليفة .. وقول لنا حكاية اضراب العمال
والخصخصة .. واسطوانة حقوق العمال المشروخة



جت الحزينه تفرح .. واحد عاطل
والتاني معاش مبكر



لولا التصريحات دى .. كان الواحد فقد
الأمل من خمسين سنه انه ح يلاقى شغل



الخبائن الخشاش بعد شهر جواز
اكتشفت انه عطلان زى الانترنت







ياراجل يا بصباص .. واقف فى طابور العيش ابو شلن
وعينك ح تطلع على ابو ربع جنييه



ابوك اتقتل فى طابور العيش ياهرىدى.. ولازم
تاخذ بالتار .. وتقف بداله لحد ماتشترى بجنية



